

**PROPOSTA BÁSICA ELABORADA POLA COMISIÓN CIDADANA
PARA A XESTIÓN ECOLÓXICA DO LIXO.**

UNHA ALTERNATIVA PARA O LIXO DA CORUÑA

M. S. / Cerna

A Comisión Cidadana pola Xestión Ecolóxica do Lixo de A Coruña presentou unha proposta básica para a elaboración dun Plano de Xestión do lixo, que consta de 6 subprogramas de actuación:

1. Subprograma de Motivación (información e concienciación) social.
2. Subprograma de Investigación, Desenvolvemento e Promoción (de mercado para produtos recicláveis e de medidas de redución e reutilización).
3. Subprograma de Recollida Selectiva.
4. Subprograma de Tratamento (e acondicionamento para a reciclaxe e para o vertido controlado).
5. Vertedeiro controlado de fracciones non recicláveis.
6. Subprograma de seguimento e mellora do plano.

OBXECTIVOS

Propón-se unha recollida selectiva de tipo mixto, baseada na utilización de dous colectores para a fracción húmida (matéria orgánica compostábel, MOC)

e para a fracción seca ou resto (R), e de tres colectores para a recollida de materiais inertes recicláveis separados directamente en orixen: Vidro (V),

51% de reciclaxe. Nos cinco anos seguintes (horizonte 2005), o afianzamiento do plano permitirá incrementar a eficacia da recollida selectiva de cada



Papel/Cartón (P/C) e Envases Lixeiros (EnL). Nesta fracción recollen-se conxuntamente envases metálicos, envases de plásticos duros e tetrabrics, entre outros.

A Comisión considera viável un obxectivo de recollida selectiva nun primeiro horizonte (ano 2000) do 60% para cada fracción, o que resulta nun

fraccionamento situando-se nun 70% para P/C, e nun 80% para V, MOC e EnL. Con elo acadará-se o 67% de reciclaxe no ano 2005. A fracción con destino a vertedeiro controlado somete-se a un proceso de inertización por compostaxe e compactación, polo que se reduce a un 35% en peso do lixo orixinal e a un 16% en volume no ano 2000, e a un 23% e 10% respectivamente no ano 2005. Desta forma conseguimos reducir a cantidade de lixo que vai ao vertedeiro nun 77% en peso e nun 90% en volume con relación á situación actual. O obxectivo de reducción en orixen (programas de Reducción e Reutilización) é do 8% sobre o global para o ano 2005, ainda que xa se podería obter certa reducción no ano 2000.

OBXECTIVOS GLOBAIS

	ANO 2000	ANO 2005
TOTAL REDUCIÓN (% en peso)	0 (estabilización)	8
TOTAL RECICLADO (% en peso)	50.8	66.9
% en peso perdidas proceso		
inertización (sobre RSU):	13.8	9.2

A VERTEDEIRO CONTROLADO	
Tm/ano:	51.384
% en peso:	35.4
m ³ /ano	46.713
% en volume sobre 1996:	16.0
	32.015
	23.9
	29.105
	10.0

A fracción de envases lixeiros someteráse a un proceso de separación en destino, mentres que as fracciones de papel/cartón e vidro se comercializarán directamente. A matéria orgánica destina-se a duas plantas de compostaxe, unha aeróbica ou convencional, e outra anaeróbica. Esta última permite obter biogás ademais de compost, equilibrando o

balanzo enerxético do proceso de compostaxe. A alternativa de recollida selectiva opta claramente pola calidade dos produtos a reciclar antes que pola sua cantidade, o que lle permitirá competir con vantaxe nos mercados da reciclaxe.

Os costes de tratamento situánse entre as 827 e as 1985 Ptas/Tm, dependendo da subvención recibida e da situación do mercado de recicláveis. En calquera caso, son significativamente inferiores aos costes do plano SOGA-

MA. O custo da recollida selectiva sitúa-se entorno ás 5.000 ptas/Tm, e o de concienciación e desenrollo (suprogramas 1 e 2), nunhas 1000 ptas/Tm. En todas as cifras inclúense costes de funcionamento e financiamento.

OBXECTIVOS DA PROPOSTA BÁSICA PARA A CORUÑA (ELABORADA PARA UNHA POBOACIÓN DE 400.000 HABITANTES, OU 146.000 TM/ANO DE RSU).

OBXECTIVOS POR FRACCIÓN

XENERACIÓN	OBXECTIVOS		OBXECTIVOS		OBXECTIVOS		OBXECTIVOS		
	ANO 2000		ANO 2005		ANO 2000		ANO 2005		
	ACTUAL	RECUPERÁVEL (60%)	% RED.	RSU	Tm/ano	% Fr.	Tm/ano	% RSU	
	Tm/ano	%	Tm/ano	% RSU	Tm/ano	% Fr.	Tm/ano	% RSU	
MOC	73.000	50	43.800	30.0	-	73.000	80	58.400	43.6
P/C	36.500	25	21.900	15.0	-	36.500	70	25.550	19.1
V	10.220	7	6.132	4.2	25	7.665	80	61.32	4.6
EnL	14.600	10	8.760	6.0	25	10.950	80	8.760	6.5
Resto	11.680	8	65.408	44.8	50	5.840	-	35.113	26.2
TOTAL RSU	146.000	100	146.000	100	8	133.955	-	133.955	100

Notas: MOC: matéria orgánica compostábel; P/C: papel/cartón; V: vidro; EnL: envases lixeiros.

NOVA ALARMA

A CANTEIRA DE CALIZA DA SERRA DA LASTRA

A empresa Cedie, despois de ser desestimado o seu primeiro proxecto de ubicación dunha canteira para a explotación de caliza na Serra da Lastra, na raia da provincia de Ourense coa de León, tras a forte oposición de diversos colectivos ecoloxistas da Galiza e do Bierzo, ameaza agora con outro proxecto similar ainda que cunha ubicación algo distinta. O primeiro proxecto foi amplamente contestado e finalmente desestimado pola Xunta de Galiza, entre outras razóns, pola presencia nesas calizas dunha flora única, cunha serie de endemismos praticamente exclusivos dese territorio. Agora, no novo proxecto apresentado pola empresa, a área onde se explotará a canteira parece estar maioritariamen-

te ubicada na provincia de León onde a administración semella mais permisiva, ao menos no relacionado con este asunto. Como o primeiro proxecto tivo a firme oposición de diversos investigadores da Universidade de Santiago, agora a empresa di contar cun informe favorable dun coñecido catedrático que, segundo a empresa, asegura que a canteira non causará nengún dano importante á flora e á fauna.

No último xaneiro, colectivos culturais e ecoloxistas veñen de conformar a Coordinadora en Defensa da Serra da Enciña da Lastra, da que tamén forman parte algúns grupos políticos. Os obxectivos desta Coordinadora son opoñerse a calquera nova explotación

na zona, investigar a situación legal das explotacións existentes, e promover a restauración dos espazos afectados polas explotacións xa abandonadas. A Coordinadora decidiu dirixirse ás diferentes administracións implicadas para expoñerlle esta problemática e solicitar unha reunión multilateral para a búsqueda de solucións. A portavoz para Galiza da Coordinadora é Celia Moldes.

Contactos

Celia Moldes, 32311-A Veiga de Cascallá. Rubiá, Ourense. Tel. 988-342035

As persoas interesadas tamén se poden dirixir á ADEGA.